

# MUZIKO NE NUR POR INFANO

## CANTIGAS DE RODA E OUTRAS POPULARES EM ESPERANTO

Versioj de Jorge das Neves



# Enkonduko

**L**a muzikaĵoj por infanoj nomiĝas  
portugallingve “*cantigas de roda*”,  
ĉar infanoj kantas ilin ronde kun la manoj interplektitaj.  
Tiuj kantoj tradicie rezistas al tempo.  
Ili apartenas al brazila kulturo kaj pro tio,  
Jorge das Neves  
kaptis la muzikon sed adaptis la originalajn tekstojn  
simile al io, kio eble povas esti konsiderata  
universala kulturo

!

Esperable la muzikaĵoj tiel tradukitaj helpas al komencantoj  
eĉ al veteranoj, dezirantaj amuziĝi per kantado.



## 1. LA ESTONTO ESTAS NI

*Ciranda, cirandinha*

Kolego, kolegino  
la estonto estas ni  
estas gloro en la fino  
se ni lernas pli kaj pli

Ni parolas kaj muzikas  
du plus unu faras tri  
Esperanto ne komplikas  
la estonto estas ni!

## 2. IRU PLU

*Rema, rema, remador...*

Iru, iru  
al progreso  
sen maltrafo  
sen forgeso (BIS)

## 3. MARŜU, SOLDATO!

*Marcha, soldado*

Marŝu , soldato  
sur mondo sen milito  
al Esperanto  
prosperas la invito (BIS)

## 4. FOR DE L' LUDO

*Uni, du, ni, tĉ*

Unu, du kaj tri  
ne valoras pli  
ĝis revido, fartu bone  
iru for de ĉi!

## 5.EN MIA KOR

*Cai, cai, balão*

Kaj li kaj ŝi  
kaj ĝi kaj vi  
kaj multe multe pli  
tie for  
tie for  
tie for  
tie-ĉi en mia kor'

## 6.PATRO KAJ PATRINO

*O cravo brigou com a rosa*

Parolas mia patrino  
atente aŭskultas mi  
mi amas, ke ŝi parolu  
ĉar multe instruas ŝi

Ĵurnalo, jen por la patro  
ĝentila fariĝas mi  
li estas mia heroo  
patrin' estas multe pli !

## 7.AVO KAJ AVINO

*Teresinha de Jesus*

Al la avo diris mi  
ke mi volas iri for  
la avino multe ploris  
kun malĝojo en la kor'

Mi komprenis, ke infan'  
ne feliĉas sur la Ter'  
se la avo kaj avino  
vivas en granda sufer'

## 8. TUTA FAMILIO

### *Capelinha de melão*

Mi parolas, kantas mi  
kaj promenas for  
kun la tuta familio  
ene de la kor' (BIS)

## 9. AMIKARO

### *Carneirinho, carneirão*

Familio, famili', mili', mili'  
ja dependas de nia Di', de nia Di'  
preferindas amikaro, amikar'  
kaj ni ludas per kantar' (BIS)

## 10. MIA KATO

### *Atirei o pau no gato*

Mia kato ja miaŭas tro  
mia hun-de-to'  
bojas kontraŭ ĝi  
kaj najbar' , ro, ro  
nervoziĝas pli  
freneziĝas, freneziĝas  
kaj ripetas  
M I A Ŭ !

## 11. PATRO FRANĈJO

### *Pai Francisco entrou na roda*

Patro Franĉjo ludas be-e-le  
per mirinda violon'  
poron' - pompon'  
poron' – pompon'  
Filineto dum la festo  
vigle dancas per gaja gesto  
Svingiĝas ŝi  
svingiĝas pli, svingiĝas plu  
svingiĝas ni !

Svingiĝas ŝi, svingiĝas pli, svingiĝas plu, svingiĝas ni !

## 12.LA ANĜELO

*Nesta rua tem um bosque*

Niastrate, niastrate estas bosko  
kie loĝas, kie loĝas la Anĝel'  
la Anĝelo amas floron, amas beston  
la naturon, kiun kreis la Ĉiel'...

Se mi estus, se mi estus la Anĝelo  
nia mondo estus mondo de prosper'  
komprenado, toleremo kaj la amo  
estus nia tuta forto sur la Ter'.

Kompreneble la Anĝelo tre valoras  
kaj dependas, kaj dependas nur de ni  
la Anĝelon imitadi serioze  
ja hodiaŭ, ĉi-momente, tie-ĉi!

## 13. VEKIĜU, MARIJA BONITA

*Acorda, Maria Bonita*

Vekiĝu, Marija Bonita  
vekiĝu en la frumaten'  
la tago ja komenciĝas  
la suno brilas en la ĝarden'

En la ĝardeno birdoj kantas  
la bedoj plenas je floro  
ne via koro konstantas  
sed konstantas mia koro!

Vekiĝu, Marija Bonita...

.....

Vi Esperanton ne parolas  
sed amindumas konstante  
se mian kison vi volas  
mi volas kisi ... Esperante!

## 14.S A L U T O N !

*Quem parte leva saudade*

Adiaŭ, samideano,  
kaj vi, samideanino tre kara,  
en nia kunveno ni kantas  
pro nia ĝojo senkompara.  
Ha, kia ĝoj'!  
Ĝi estas ja trezoro  
pro l' amikeco plene sincera  
loĝanta en nia koro.

## 15.E L E F A N T A R O

*Um elefante incomoda muita gente*

Elefantido tre grandas tie-ĉi  
**UNU** elefanto grandegas multe pli  
Elefantidoj tre grandas tie-ĉi  
**DU** elefantoj grandegas multe pli  
Elefantidoj tre grandas tie-ĉi  
**TRI** elefantoj grandegas multe pli  
Elefantidoj tre grandas tie-ĉi  
**KVAR** elefantoj grandegas multe pli  
Elefantidoj tre grandas tie-ĉi  
**KVIN** elefantoj grandegas multe pli  
Elefantidoj tre grandas tie-ĉi  
**SES** elefantoj grandegas multe pli  
Elefantidoj tre grandas tie-ĉi  
**SEP** elefantoj grandegas multe pli  
Elefantidoj tre grandas tie-ĉi  
**OK** elefantoj grandegas multe pli  
Elefantidoj tre grandas tie-ĉi  
**NAŬ** elefantoj grandegas multe pli  
Elefantidoj tre grandas tie-ĉi  
**DEK** elefantoj grandegas multe pli  
Elefantidoj tre grandas tie-ĉi  
**CENT** elefantoj grandegas multe pli  
Elefantidoj tre grandas tie-ĉi  
**MIL** elefantoj grandegas multe, multe, multe pli!

16. **KUN FORTA VOLO, ENTUZIASME!**

*(Olê, olê, olá!)*

**Por Esperanto, per Esperanto  
ho, ho, ho, ho, ho, hoj!  
Por Esperanto, kun forta volo,  
laboras ni kun ĝoj' .**

**Por Esperanto, kun forta volo,  
laboras ni kun bril' !**

**Per Esperanto, entuziasme,  
BRAZIL' ! BRAZIL' ! BRAZIL' !**



**JORGE DAS NEVES**  
**\* Georgo Das Neves \***  
**poetakarioka@hotmail.com**